
OFFERYNNAU STATUDOL
CYMRU

2022 Rhif 150 (Cy. 48)

**IECHYD Y CYHOEDD,
CYMRU**

Rheoliadau Diogelu Iechyd
(Coronafeirws, Gwybodaeth Iechyd
y Cyhoedd i Deithwyr ac
Atebolrwydd Gweithredwyr)
(Cymru) (Diwygio) 2022

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn wedi eu gwneud mewn ymateb i'r perygl parhaus i iechyd y cyhoedd a berir gan fynychder a lledaeniad coronafeirws syndrom anadlol aciwt difrifol 2 (SARS-CoV-2) yng Nghymru. Mae adran 45B o Ddeddf Iechyd y Cyhoedd (Rheoli Clefydau) 1984 yn galluogi Gweinidogion Cymru, drwy reoliadau, i wneud darpariaeth at ddiben (ymhlith pethau eraill) atal perygl i iechyd y cyhoedd o lestrau, cerbydau awyr, trenau neu gludiant arall sy'n cyrraedd unrhyw le (“vessels, aircraft, trains or other conveyances arriving at any place”).

Mae'r Rheoliadau yn diwygio Rheoliadau Diogelu Iechyd (Coronafeirws, Gwybodaeth Iechyd y Cyhoedd ar gyfer Personau sy'n Teithio i Gymru etc.) 2020 (O.S. 2020/595 (Cy. 136)) (“y Rheoliadau Gwybodaeth Iechyd y Cyhoedd”) a Rheoliadau Diogelu Iechyd (Coronafeirws, Teithio Rhyngwladol, Profion cyn Ymadael ac Atebolrwydd Gweithredwyr) (Cymru) (Diwygio) 2021 (O.S. 2021/48 (Cy. 11)) (“y Rheoliadau Atebolrwydd Gweithredwyr”).

Mae'r Rheoliadau Gwybodaeth Iechyd y Cyhoedd a'r Rheoliadau Atebolrwydd Gweithredwyr yn gosod gofynion ar bersonau sy'n gweithredu gwasanaethau teithwyr rhyngwladol sy'n cyrraedd Cymru o'r tu allan i'r ardal deithio gyffredin (“gweithredwyr”).

O ganlyniad i ddirymu Rheoliadau Diogelu Iechyd (Coronafeirws, Teithio Rhyngwladol) (Cymru) 2020 (O.S. 2020/574 (Cy. 132)) a'u disodli gan Reoliadau Diogelu Iechyd (Coronafeirws, Teithio Rhyngwladol)

(Cymru) 2022 (O.S. 2022/126 (Cy. 41)), mae'r Rheoliadau hyn yn gwneud diwygiadau i'r Rheoliadau Gwybodaeth Iechyd y Cyhoedd a'r Rheoliadau Atebolrwydd Gweithredwyr.

Mae'r Rheoliadau Gwybodaeth Iechyd y Cyhoedd wedi eu diwygio hefyd i ddarparu mai dim ond gwybodaeth benodedig y mae rhaid i weithredwyr ei darparu i deithwyr cyn i daith ymadael ac ar y llestr neu'r awyren ar wasanaeth teithwyr rhyngwladol. Mae'r Atodlen wedi ei diwygio i ddiweddarau'r wybodaeth y mae rhaid ei darparu i deithwyr.

Yn ogystal, mae'r Rheoliadau Atebolrwydd Gweithredwyr wedi eu diwygio i roi yn lle'r gyfres bresennol o rwymedigaethau ar weithredwyr rwymedigaeth i gynnal prosesau a systemau digonol i sicrhau bod teithwyr yn meddu ar wybodaeth neu dystiolaeth benodol. Mae'n ofynnol hefyd i weithredwyr gadw unrhyw gofnodion a gwybodaeth sy'n ofynnol i ddangos eu bod wedi cynnal systemau a phrosesau digonol. Gwneir diwygiadau hefyd i sicrhau y gellir dyroddi hysbysiad cosb benodedig mewn cysylltiad â thorri'r ddyletswydd newydd yn barhaus pan fo hysbysiad cosb benodedig blaenorol a ddyroddwyd mewn cysylltiad â'r toriad wedi ei dalu.

Ni chynhaliwyd asesiad effaith rheoleiddiol mewn perthynas â'r Rheoliadau hyn oherwydd yr angen i'w rhoi yn eu lle ar frys i ymdrin â bygythiad difrifol ac uniongyrchol i iechyd y cyhoedd.

OFFERYNNAU STATUDOL
CYMRU

2022 Rhif 150 (Cy. 48)

**IECHYD Y CYHOEDD,
CYMRU**

Rheoliadau Diogelu Iechyd
(Coronafeirws, Gwybodaeth Iechyd
y Cyhoedd i Deithwyr ac
Atebolrwydd Gweithredwyr)
(Cymru) (Diwygio) 2022

Gwnaed 16 Chwefror 2022

Gosodwyd gerbron *Senedd*
Cymru 17 Chwefror 2022

Yn dod i rym 18 Chwefror 2022

Mae Gweinidogion Cymru, drwy arfer y pwerau a roddir iddynt gan adrannau 45B, 45F(2) a 45P(2) o Ddeddf Iechyd y Cyhoedd (Rheoli Clefydau) 1984(1), yn gwneud y Rheoliadau a ganlyn.

Enwi a dod i rym

1.—(1) Enw'r Rheoliadau hyn yw Rheoliadau Diogelu Iechyd (Coronafeirws, Gwybodaeth Iechyd y Cyhoedd i Deithwyr ac Atebolrwydd Gweithredwyr) (Cymru) (Diwygio) 2022.

(2) Daw'r Rheoliadau hyn i rym ar 18 Chwefror 2022.

Diwygio Rheoliadau Diogelu Iechyd (Coronafeirws, Gwybodaeth Iechyd y Cyhoedd ar gyfer Personau sy'n Teithio i Gymru etc.) 2020

2. Mae Rheoliadau Diogelu Iechyd (Coronafeirws, Gwybodaeth Iechyd y Cyhoedd ar gyfer Personau sy'n

(1) 1984 p. 22 ("Deddf 1984"). Mewnosodwyd Rhan 2A gan adran 129 o Ddeddf Iechyd a Gofal Cymdeithasol 2008 (p. 14). Mae'r swyddogaeth o wneud rheoliadau o dan Ran 2A wedi ei rhoi i "the appropriate Minister" ("y Gweinidog priodol"). O dan adran 45T(6) o Ddeddf 1984 y Gweinidog priodol, o ran Cymru, yw Gweinidogion Cymru.

Teithio i Gymru etc.) 2020(1) wedi eu diwygio yn unol â rheoliadau 3 i 9.

3. Yn rheoliad 2 (dehongli)—

- (a) yn y lle priodol mewnosoder—
 - (i) “ystyr “y gwefannau perthnasol” (“*the relevant websites*”) yw’r gwefannau a bennir yn Rhan 3 o’r Atodlen;”;
 - (ii) “ystyr “yr wybodaeth ofynnol” (“*the required information*”) yw’r wybodaeth a bennir yn Rhan 1 o’r Atodlen a hyperddolen at bob un o’r gwefannau perthnasol a bennir yn Rhan 3 o’r Atodlen.”;
- (b) yn y diffiniad o “y Rheoliadau Teithio Rhyngwladol” yn lle “Rheoliadau Diogelu Iechyd (Coronafeirws, Teithio Rhyngwladol) (Cymru) 2020” rhodder “Rheoliadau Diogelu Iechyd (Coronafeirws, Teithio Rhyngwladol) (Cymru) 2022”;
- (c) hepgorer y diffiniad o “gofyniad i ynysu”;
- (d) yn y diffiniad o “gofyniad i ddarparu gwybodaeth” yn lle “4” rhodder “6”.

4. Hepgorer rheoliad 10.

5. Yn lle rheoliad 3 (darparu gwybodaeth cyn archebu ac wrth gofrestru) a 3A (darparu gwybodaeth cyn i daith ymadael) rhodder—

“Darparu gwybodaeth cyn i daith ymadael

3.—(1) Rhaid i weithredwr gwasanaeth teithwyr rhyngwladol sicrhau bod yr wybodaeth sy’n ofynnol gan baragraff (3) yn cael ei darparu i deithiwr sy’n cyrraedd porthladd yng Nghymru ar wasanaeth o’r fath, yn y modd sy’n ofynnol gan y rheoliad hwnnw ar yr adegau a bennir ym mharagraff (2).

(2) Yr adegau yw—

(a) pan fo archeb wedi ei wneud i’r teithiwr deithio ar y gwasanaeth perthnasol fwy na 24 awr cyn i’r daith ymadael, o leiaf 24 awr cyn i’r daith ymadael;

(1) O.S. 2020/595 (Cy. 136), fel y’i diwygiwyd gan O.S. 2020/714 (Cy. 160), O.S. 2020/1118 (Cy. 253), O.S. 2020/1521 (Cy. 325), O.S. 2021/72 (Cy. 18), O.S. 2021/171 (Cy. 39), O.S. 2021/457 (Cy. 145), O.S. 2021/584 (Cy. 161), O.S. 2021/646 (Cy. 166), O.S. 2021/765 (Cy. 187), O.S. 2021/863 (Cy. 202), O.S. 2021/1109 (Cy. 265), O.S. 2021/1212 (Cy. 303), O.S. 2021/1342 (Cy. 346), O.S. 2021/1369 (Cy. 362), O.S. 2021/1433 (Cy. 371) ac O.S. 2022/16 (Cy. 8).

(b) pan fo archeb wedi ei wneud i'r teithiwr deithio ar y gwasanaeth perthnasol lai na 24 awr cyn i'r daith ymadael, ar unrhyw adeg cyn i'r daith ymadael.

(3) At ddibenion paragraff (1)—

(a) caniateir i'r wybodaeth ofynnol gael ei darparu ar lafar neu'n ysgrifenedig;

(b) os caiff ei darparu ar lafar, yr wybodaeth ofynnol yw'r wybodaeth a bennir yn Rhan 1 o'r Atodlen (gwybodaeth hanfodol er mwyn dod i mewn i'r DU);

(c) os caiff ei darparu yn ysgrifenedig, yr wybodaeth ofynnol yw'r wybodaeth a bennir yn Rhan 1 o'r Atodlen (gwybodaeth hanfodol er mwyn dod i mewn i'r DU) ac—

- (i) pan fo wedi ei darparu drwy ddull electronig, hyperddolen at bob un o'r gwefannau perthnasol;
- (ii) pan fo wedi ei darparu drwy ddull arall, destun neu URL pob un o'r gwefannau perthnasol;
- (iii) mewn unrhyw achos, rhaid ei darparu mewn ffordd sy'n tynnu sylw'r teithwyr ati drwy fod yn arbennig o amlwg ac yn wahanol i wybodaeth ysgrifenedig arall a ddarperir mewn perthynas â'r archeb.

(4) Pan fo person arall ("A") yn archebu taith ar wasanaeth teithwyr rhyngwladol ar ran teithiwr arall (pa un a yw A hefyd yn deithiwr ar y gwasanaeth hwnnw ai peidio), rhaid trin y gofyniad i ddarparu gwybodaeth yn unol â'r rheoliad hwn fel gofyniad y cydymffurfiwyd ag ef os darperir yr wybodaeth ofynnol i A yn y modd gofynnol ar yr adegau a bennir ym mharagraff (2), ynghyd â chais ysgrifenedig i A ddarparu'r wybodaeth honno i'r teithiwr.

(5) Pan na fo'r gweithredwr yn rheoli'r broses archebu neu gofrestru yn uniongyrchol, rhaid i'r gweithredwr gymryd pob mesur rhesymol i sicrhau bod y person sy'n rheoli'r broses yn cydymffurfio â pharagraff (1) ar ran y gweithredwr.

(6) Nid oes dim yn y rheoliad hwn nac yn rheoliad 4 yn ei gwneud yn ofynnol darparu gwybodaeth i berson sydd, yn rhinwedd oedran neu alluedd meddyliol, yn annhebygol o allu ei deall."

6. Yn rheoliad 4, ar ôl y gair "Atodlen" mewnosoder "(cyhoeddiad ar y llestr neu'r awyren)".

7. Yn rheoliad 5 (eithrio o ofynion rheoliadau 3, 3A a 4)—

- (a) yn y pennawd hepgorer “, 3A”;
- (b) yn y rheoliad hepgorer “, 3A”.

8. Yn rheoliad 6 (troseddau)—

- (a) ym mharagraff (1) hepgorer “neu (3), rheoliad 3A(2) neu”;
- (b) ym mharagraff (2) hepgorer “, rheoliad 3A(2)”.

9. Yn lle’r Atodlen rhodder—

“YR ATODLEN Rheoliadau 3
a 4

RHAN 1

Gwybodaeth hanfodol er mwyn dod i
mewn i’r DU o dramor

Yr wybodaeth sydd i’w darparu at ddibenion
rheoliadau 3(3) a 4 yw—

“Essential information to enter the UK
from overseas

All persons arriving in the UK must fill
in a Passenger Locator Form before
arrival.

Before departure to the UK check if any
of the countries you have visited in the
last 10 days are on the red list.

If you have visited a country on the red
list you must follow the red list rules.

If you have not visited any countries on
the red list, what you have to do depends
on your vaccination status. Check the
rules before you travel at
gov.uk/coronavirus.

Public health requirements may vary
depending upon which nation of the UK
you are travelling to. Check the relevant
website if your final destination is in
Northern Ireland, Scotland or Wales.

Failure to comply with these measures is
a criminal offence and you could be
fined. There are a limited set of
exemptions from these measures. You
may be fined if you fraudulently claim an
exemption.”

RHAN 2

Cyhoeddiad ar y llestr neu'r awyren

Y datganiad sydd i'w ddarparu at ddibenion rheoliad 4 yw—

(a) y fersiwn Gymraeg—

“Dyma neges iechyd y cyhoedd ar ran asiantaethau iechyd y cyhoedd y Deyrnas Unedig.

Os nad ydych wedi eich brechu'n llawn neu os nad ydych yn bodloni'r meini prawf cymhwysra, rhaid i chi gymryd prawf ar neu cyn diwrnod 2 ar ôl i chi gyrraedd.

Symptomau'r coronafeirws yw peswch cyson newydd, tymheredd uchel neu golli eich synnwyr blasu neu arogl arferol, neu newid yn eich synnwyr blasu neu arogl arferol. Os ydych yn profi unrhyw un o'r symptomau hyn, ni waeth pa mor ysgafn ydynt, fe'ch cynghorir i wneud eich hunan yn hysbys i'r criw.

Dilynwch y canllawiau Iechyd y Cyhoedd ar gyfer yr ardal yr ydych yn byw ynddi neu'n teithio ynddi.

Ewch i gov.uk/coronavirus i gael rhagor o gyngor.”

(b) y fersiwn Saesneg—

“The following is a public health message on behalf of the UK's public health agencies.

If you are not fully vaccinated or do not meet the eligibility criteria, you must take a test on or before day 2 after you arrive.

The symptoms of coronavirus are a new continuous cough, a high temperature or a loss of, or change in, normal sense of taste or smell. If you experience any of these symptoms, however mild, you are advised to make yourself known to the crew.

Please follow the Public Health guidance for the area you are living or travelling in.

Visit gov.uk/coronavirus for more advice.”

RHAN 3

Gwefannau Perthnasol

Mae'r canlynol yn “gwefannau perthnasol”—

<https://www.gov.uk/provide-journey-contact-details-before-travel-uk>

<https://www.gov.uk/guidance/red-list-of-countries-and-territories>

<https://www.gov.uk/guidance/travel-to-england-from-another-country-during-coronavirus-covid-19>

<https://www.nidirect.gov.uk/articles/coronavirus-covid-19-travel-advice>

<https://www.gov.scot/publications/coronavirus-covid-19-international-travel-quarantine/>

<https://llyw.cymru/rheolau-ar-gyfer-teithio-rhyngwladol-coronafeirws.>”

Diwygio Rheoliadau Diogelu Iechyd (Coronafeirws, Teithio Rhyngwladol, Profion cyn Ymadael ac Atebolrwydd Gweithredwyr) (Cymru) (Diwygio) 2021

10. Mae Rheoliadau Diogelu Iechyd (Coronafeirws, Teithio Rhyngwladol, Profion cyn Ymadael ac Atebolrwydd Gweithredwyr) (Cymru) (Diwygio) 2021(1) wedi eu diwygio yn unol â rheoliadau 11 i 14.

11.—(1) Hepgorer rheoliad 2 (dehongli).

(2) Hepgorer Rhan 2 (profion cyn ymadael).

(3) Yn rheoliad 4 (dehongli)—

- (a) yn y lle priodol mewnosoder “mae i “ardal deithio gyffredin” yr ystyr a roddir i “common travel area” yn adran 1(3) o Ddeddf Mewnfudo 1971(2);”;
- (b) yn y lle priodol mewnosoder “ystyr “y Rheoliadau Teithio Rhyngwladol” (“*the International Travel Regulations*”) yw Rheoliadau Diogelu Iechyd (Coronafeirws, Teithio Rhyngwladol) (Cymru) 2022(3);”;
- (c) yn y lle priodol mewnosoder “mae i “teithiwr cymwys” (“*eligible traveller*”) yr ystyr a

-
- (1) O.S. 2021/48 (Cy. 11), fel y'i diwygiwyd gan O.S. 2021/72 (Cy. 18), O.S. 2021/171 (Cy. 39), O.S. 2021/305 (Cy. 78), O.S. 2021/584 (Cy. 161), O.S. 2021/646 (Cy. 166), O.S. 2021/826 (Cy. 193), O.S. 2021/915 (Cy. 208), O.S. 2021/926 (Cy. 211) ac O.S. 2021/1109 (Cy. 265).
 - (2) 1971 p. 77. Mae adran 1(3) yn darparu y cyfeirir at y Deyrnas Unedig, Ynyssoedd y Sianel, Ynys Manaw a Gweriniaeth Iwerddon gyda'i gilydd yn y Ddeddf honno fel “the common travel area”.
 - (3) O.S. 2022/126 (Cy. 41).

roddir yn rheoliad 3 o'r Rheoliadau Teithio Rhyngwladol;";

- (d) yn y diffiniad o "person awdurdodedig" hepgorer ", ac eithrio yn rheoliad 5B,";
- (e) hepgorer y diffiniad o "plentyn";
- (f) yn y diffiniad o "gweithredwr" hepgorer ", ac eithrio yn rheoliad 5B,";
- (g) hepgorer y diffiniad o "hysbysu am drefniadau profion ar ôl cyrraedd";
- (h) hepgorer y diffiniad o "teithiwr rheoliad 2A";
- (i) hepgorer y diffiniad o "teithiwr perthnasol";
- (j) hepgorer y diffiniad o "hysbysiad gofynnol";
- (k) yn y diffiniad o "y gofyniad i feddu ar hysbysiad o ganlyniad prawf negyddol", yn lle "6A(1)" rhodder "7(3)";
- (l) hepgorer y diffiniad o "unigolyn cyfrifol";
- (m) hepgorer y diffiniad o "teithiwr Atodlen 3A".

12. Yn lle rheoliadau 5, 5A, 5B, 5C a 5D rhodder—

“Gofyniad i weithredu a chynnal prosesau a systemau

5.—(1) Rhaid i weithredwr weithredu a chynnal prosesau a systemau digonol i sicrhau bod teithwyr sy'n cyrraedd Cymru ar wasanaethau teithwyr rhyngwladol—

- (a) wedi cydymffurfio â'r gofyniad yn rheoliad 6 (gofyniad i ddarparu gwybodaeth am deithiwr) o'r Rheoliadau Teithio Rhyngwladol, os ydynt yn deithwyr y mae'n ofynnol iddynt gydymffurfio â'r rheoliad hwnnw;
- (b) yn meddu ar dystiolaeth eu bod yn berson a ddisgrifir yn Atodlen 5 (personau esempt), os ydynt yn honni eu bod yn berson o'r fath ar gyfleuster y cyfeirir ato yn rheoliad 6(1) o'r Rheoliadau Teithio Rhyngwladol;
- (c) yn meddu ar hysbysiad gofynnol, os ydynt yn deithwyr y mae'n ofynnol iddynt gydymffurfio â rheoliad 7 (y gofyniad i feddu ar hysbysiad o ganlyniad prawf negatif) o'r Rheoliadau Teithio Rhyngwladol;
- (d) yn meddu ar dystiolaeth o gymhwystra, os ydynt wedi nodi ar gyfleuster y cyfeirir ato yn rheoliad 6(1) o'r Rheoliadau Teithio Rhyngwladol eu bod yn bodloni'r meini prawf cymhwystra o ran brechu yn erbyn COVID-19.

(2) At ddibenion paragraff (1), nid ystyrir ei bod yn ofynnol i deithiwr (“T”) gydymffurfio â’r gofynion yn rheoliad 6 neu 7 o’r Rheoliadau Teithio Rhyngwladol pe bai gan y gweithredwr, neu berson sy’n gweithredu ar ran y gweithredwr, achos i gredu’n rhesymol—

- (a) nad yw’n ofynnol i T gydymffurfio â’r gofyniad perthnasol,
- (b) bod gan T esgus rhesymol a fyddai’n diogelu T rhag atebolrwydd am dorri’r gofyniad perthnasol o dan reoliad 13 (troseddau), neu
- (c) bod T yn cael ei orfodi’n gyfreithlon i deithio i’r Deyrnas Unedig yng nghwrs estraddodiad, dychweliad carcharor neu allgludiad.

(3) Rhaid i weithredwr gadw unrhyw gofnodion a gwybodaeth sy’n ofynnol i ddangos ei fod wedi cydymffurfio â pharagraff (1).

(4) Caiff person awdurdodedig ofyn i weithredwr am gopïau o unrhyw gofnodion a gwybodaeth y mae’r person awdurdodedig yn ystyried eu bod yn ofynnol i benderfynu a yw’r gweithredwr wedi cydymffurfio â pharagraff (1).

(5) Rhaid i gais o dan baragraff (4) bennu’r cyfnod y mae rhaid i’r gweithredwr ddarparu’r cofnodion a’r wybodaeth y gofynnir amdanynt o’i fewn.

(6) Wrth benderfynu a yw gweithredwr wedi cydymffurfio â pharagraff (1), rhaid i berson awdurdodedig roi sylw i’r materion a ganlyn i’r graddau y mae ganddo wybodaeth amdanynt—

- (a) y drefn a ddefnyddir gan y gweithredwr i gydymffurfio â pharagraff (1), ynghyd â’r dull o gadw tystiolaeth gyfredol;
- (b) bodolaeth ac ansawdd unrhyw ganllawiau neu raglenni hyfforddi ar gyfer y rheini sy’n ymwneud â gweithredu’r prosesau a’r systemau o ddydd i ddydd;
- (c) pa un a yw’r gweithredwr—
 - (i) wedi penodi cyswllt a enwir i gynorthwyo’r person awdurdodedig wrth benderfynu a yw’r gweithredwr wedi cydymffurfio â pharagraff (1), a
 - (ii) wedi hysbysu’r person awdurdodedig ynglŷn â phwy yw’r cyswllt hwnnw;
- (d) cyflymder ac effeithiolrwydd unrhyw ymateb gan y gweithredwr i unrhyw argymhellion a wneir gan y person

- awdurdodedig y bwriedir iddynt sicrhau cydymffurfedd y gweithredwr â pharagraff (1);
- (e) unrhyw fethiant i gydymffurfio â chais o dan baragraff (4);
 - (f) unrhyw fater arall y mae'r person awdurdodedig yn ystyried ei fod yn briodol.
- (7) Yn y rheoliad hwn, ystyr “tystiolaeth o gymhwysra” yw—
- (a) dystiolaeth a ddisgrifir yn rheoliad 3(3)(b), 3(4)(b) neu 3(6)(b) o'r Rheoliadau Teithio Rhyngwladol,
 - (b) pan fo T yn bwriadu manteisio ar yr esemptiad yn rheoliad 3(6) o'r Rheoliadau Teithio Rhyngwladol (mae T o dan 18 oed), dystiolaeth o oedran T, neu
 - (c) cyfleuster y cyfeirir ato yn rheoliad 6(1) o'r Rheoliadau Teithio Rhyngwladol sy'n nodi mai statws brechu T yw: “Vaccine Status: Verified Exempt/Full.”

13. Yn lle rheoliad 6 (troseddau) rhodder—

“Troseddau

6.—(1) Mae gweithredwr sy'n methu â chydymffurfio â gofyniad—

- (a) yn rheoliad 5(1),
- (b) yn rheoliad 5(3), neu
- (c) mewn cais o dan reoliad 5(4) i ddarparu cofnodion a gwybodaeth o fewn y cyfnod a bennir at ddibenion rheoliad 5(5),

yn cyflawni trosedd.

(2) Mae trosedd o dan baragraff (1) i'w chosbi ar euogfarn ddiannod drwy ddirwy.”

14. Ym mharagraff (2)(a) o reoliad 9 (pŵer i ddefnyddio ac i ddatgelu gwybodaeth), yn lle “6A, 6AB neu 12E(1)” rhodder “6 neu 7”.

15. Yn rheoliad 10 (adolygu) yn lle “reoliadau 5, 5A, 5B, 5C a 5D” rhodder “reoliad 5”.

Eluned Morgan

Y Gweinidog Iechyd a Gwasanaethau Cymdeithasol,
un o Weinidogion Cymru
16 Chwefror 2022